

Headline	Usah tangguh		
MediaTitle	Harian Metro		
Date	08 Jun 2012	Language	Malay
Circulation	324,097	Readership	1,981,000
Section	Supplement	Color	Full Color
Page No	4	ArticleSize	342 cm ²
AdValue	RM 12,582	PR Value	RM 37,746



'Usah tangguh'

Bijak urus masa bantu disiplinkan mahasiswa buru kejayaan

>>Oleh **Muhammad Saufi Hassan**

saufi@hmetro.com.my

SINTOK: "Bijak membahagikan masa kunci kejayaan saya kerana pengurusan masa amat penting bagi seorang mahasiswa disebabkan mampu mengajar mendisiplinkan diri," kata Ku Amirul Faiz Ku Seman, 23, yang merangkul Anugerah Siswa Terbaik Universiti Utara Malaysia (UUM), baru-baru ini.

Anugerah itu antara 20 ka-

tegori dalam Anugerah Kerana Jasa (AKJ) UUM 2011 yang memberi pengiktirafan di atas sumbangan mahasiswa terutama mereka bergiat aktif dalam persatuan dan pertubuhan pelajar.

Ku Amirul Faiz berkata, setiap mahasiswa mempunyai cara belajar tersendiri seperti jadual belajar khusus untuk mengulang kaji subjek tertentu, na-

mun cara terbaik adalah tidak menangguhkan sebarang kerja.

"Saya mengamalkan cara tidak menangguhkan kerja sejak menjawat jawatan sebagai Timbalan Exco Biro Kepimpinan dan Komuniti Jawatankuasa Pembangunan Mahasiswa, Dewan Penginapan Pelajar (DPP) Bank Rakyat sehingga menjadi Timbalan Yang Dipertua Majlis Perwakilan Pe-

lajar (MPP).

"Menjawat sesuatu jawatan memerlukan mahasiswa terabit bijak menguruskan masa berikutan ada tugas secara mengejut tanpa diduga. Oleh itu, tugas di kelas perlu diselesaikan dengan segera tanpa perlu bertangguh," katanya.

Katanya, dia yang bercita-cita menjadi peguam perlu bijak

Headline	Usah tangguh		
MediaTitle	Harian Metro		
Date	08 Jun 2012	Language	Malay
Circulation	324,097	Readership	1,981,000
Section	Supplement	Color	Full Color
Page No	4	ArticleSize	342 cm ²
AdValue	RM 12,582	PR Value	RM 37,746

membuat keputusan dalam menutamakan setiap tugas terutama melihat kepentingan sesuatu tugas berkenaan.

Bagi siswi terbaik pula, Noor Nazatul Azira Shahidan, 23, rahsia kejayaannya memperbanyakkan membaca al-Quran dan solat hajat serta solat tahajud supaya diberikan kekuatan dalam setiap urusan terutamanya sebagai seorang mahasiswa.

“Selain mendekati diri kepada Allah, saya turut membahagikan masa dengan sebaik-baiknya di samping membuat perancangan awal antara masa belajar dengan kegiatan luar.

“Tidak dinafikan kadangkala masa banyak tertumpu kegiatan luar, namun masa belajar tidak sama sekali diabaikan. Saya akan luangkan masa untuk

belajar pada waktu tengah malam kerana waktu itu sangat tenang untuk belajar,” katanya.

Sementara itu, Naib Canselor UUM, Prof Datuk Dr Mohamed Mustafa Ishak berkata, majlis pengiktirafan AKJ dibuat pada setiap tahun dan menjadi acara tradisi universiti khusus untuk mengiktiraf sumbangan pelajar.

Katanya, penganugerahan itu

dibuat bertujuan memberi galakan, motivasi dan mencetuskan semangat baru di kalangan pelajar lain untuk terus bersaing demi kebaikan.

“Saya ingin menegaskan aktiviti mahasiswa bukan hanya untuk mengisi masa lapang tetapi lebih penting adalah menyumbang kepada falsafah dan dasar pendidikan negara,” katanya.



IKTIRAF...Noor Nazatul Azira (kiri) menerima Anugerah Siswi Terbaik daripada Dr Mohamed Mustafa, baru-baru ini.